

盧靜遠謹呈

謹擬現在亟應辦理事件開具清摺敬呈

大總統鈞鑒

一對於北方官吏及將士宜取同化主義暫令仍居
舊職以安其心

一對於南方官吏及將士宜取統一主義勿令各持
己見務以國家為前提

一對於南北各軍宜擇其器械齊全訓練有素者依次編為國軍其器械不備而訓練未精者徐行裁撤其并無器械而并未訓練者即行裁撤以整軍實而節冗費

一對於傷亡將士宜酌予卹金
一對於被難地方宜妥為賑恤

一對於商民宜速圖救濟金融之策紙幣能設法兌現更妙否則紙幣現洋之價宜設法令其平均不得稍有低昂

一財政問題最關重要現在金融奇窘民困已極加稅不可驟行而一切實業未興尤為緩不濟急謹擇急宜辦理者數端開列如左

一、整理中交兩銀行設法維持以全信用而資周

轉

一、募集內國公債懇切勸捐以救國家之危急

一、籌借大宗外債以備設施一切

一、力剔中飽以裕稅源遇有貪污官吏立予重懲

一、一切政治費用務崇儉約以節財流凡不急之

工作無益之妄費咸罷黜之

一通告全國官民人等力崇節儉凡奢華用品徵以重稅

一出入用款極力核實并宣告國民以昭大信

一京師治安亟宜維持可將衛隊量予擴充慎選純良忠實之將士編為近衛軍一以保衛

公府一以維持地面并責成憲兵游緝隊警察共同擔

負責任此外不可恃之軍隊一概勿令來京至已

在京之軍隊可徐籌善法調往他處其未離京以

前仍責令各該長官嚴密約束以維治安

一從速召集臨時國會以解決重大問題議員即以
前參眾兩院議員充之始或不足再以去年國民

會議覆選當選人充補

中國知網